

**Ured koordinatora za reformu javne uprave** (u daljem tekstu: Ured) Vrazova broj 9., 71 000 Sarajevo, kojeg zastupa Doc dr Dragan Ćuzulan, koordinator za reformu javne uprave pri Uredu predsjedavajućeg Vijeća ministara Bosne i Hercegovine (u daljem tekstu: Kupac)

i s jedne strane

\_\_\_\_\_ koga zastupa \_\_\_\_\_ (u daljem tekstu: Prodavac)

s druge strane

zaključuju sljedeći:

## **UGOVOR O KUPOPRODAJI ROBA**

### **Član 1. (Predmet ugovora)**

- (1) Predmet ovog Ugovora je nabavka i isporuka roba za realizaciju projekta „Implementacija zajedničkih servisa za e-usluge“, a po prihvaćenoj ponudi Prodavca, broj: \_\_\_\_\_ (u daljem tekstu: Ponuda) koja je sastavni dio ovog Ugovora.
- (2) Kupac i Prodavac su saglasni da Prodavac izvrši isporuke opreme sa karakteristikama navedenim u tehničkoj specifikaciji u ime i za račun kupca, a u korist krajnjih korisnika i to: Odsjek za održavanje i razvoj sistema elektronskog poslovanja i eVlade Generalnog sekretarijata Vijeća ministara BiH, sektor za IT Generalnog sekretarijata Vlade Republike Srpske, sektor za IT Generalnog sekretarijata Vlade Federacije BiH, Pododjeljenje za informatiku Vlade Brčko distrikta, Institut za mjeriteljstvo Vijeća ministara Bosne i Hercegovine, Republička uprava za geodetske i imovinsko-pravne poslove Republike Srpske, Federalna uprava za geodetske i imovinsko-pravne poslove.

### **Član 2. (Cijena)**

- (1) Ukupna cijena opreme iz člana 1. ovog Ugovora iznosi \_\_\_\_\_ (slovima: \_\_\_\_\_) sa uključenim porezom na dodatnu vrijednost (PDV)

- (2) Cijena opreme iz prethodnog stava ovog člana uključuje:

a) Troškove opreme u iznosu od \_\_\_\_\_ KM (slovima: \_\_\_\_\_) bez PDV –a utvrđenim u prihvaćenoj Ponudi Prodavca.

b) Cijena licenci zahtjevanih tehničkom specifikacijom u stavkama 4.3 i 7.7 u iznosu od \_\_\_\_\_ KM (slovima: \_\_\_\_\_) bez PDV –a utvrđenim u prihvaćenoj Ponudi Prodavca.

c) PDV iz tačke a) i tačke b) ovog stava u ukupnom iznosu od \_\_\_\_\_ KM.

### **Član 3. (Rok isporuke)**

Prodavac će osigurati isporuku robe iz člana 1. ovog Ugovora u roku od maksimalno 40 dana od dana potpisivanja ugovora.

### **Član 4. (Način plaćanja)**

- (1) Prodavac se obavezuje dostaviti Izvještaj po okončanju aktivnosti iz člana 1. ovog Ugovora, koji uključuje sve originalne potpisane Primopredajne zapisnike za sve lokacije isporuke odnosno institucije korisnice, a kako je navedeno u članu 6. ovog Ugovora, originalni fiskalni račun, fakturu u po dva originalna primjerka, kao i zahtjev za plaćanje koji će glasiti na ukupan iznos ispostavljene fakture.
- (2) Plaćanje roba iz člana 1. ovog Ugovora Kupac će izvršiti uplatom utvrđene cijene iz člana 2. stav (1) ovog Ugovora na poslovni račun broj: \_\_\_\_\_ kod banke \_\_\_\_\_ nakon što Upravni odbor Fonda za reformu javne uprave da saglasnost na Izvještaj Prodavca.

### **Član 5. (Mjesto izvršenja Ugovora)**

- (1) Prodavac se obavezuje isporučiti robu iz člana 1. ovog Ugovora na adresu krajnjih korisnika i to: Odsjek za održavanje i razvoj sistema elektronskog poslovanja i eVlade Generalnog sekretarijata Vijeća ministara BiH, sektor za IT Generalnog sekretarijata Vlade Republike Srpske, sektor za IT Generalnog sekretarijata Vlade Federacije BiH, Pododjeljenje za informatiku Vlade Brčko distrikta, Institut za mjeriteljstvo Vijeća ministara Bosne i Hercegovine, Republička uprava za geodetske i imovinsko-pravne poslove Republike Srpske, Federalna uprava za geodetske i imovinsko-pravne poslove
- (2) Nalog za isporuke opreme na adresu korisnika navedenu u stavu (1) ovog člana daje Kupac.

## **Član 6.** **(Obaveze Prodavca)**

- (1) Prodavac je obavezan obezbijediti sve organizaciono-tehničke pretpostavke za realizaciju predmeta ugovora u skladu sa zahtjevima Kupca, i iste realizovati prema prihvaćenoj Ponudi prodavca.
- (2) Prodavac je obavezan u primjerenom roku, koji nije kraći od dva dana prije dana isporuke, pismenim putem najaviti institucijama korisnicama, Ugovornom organu, Implementatoru projekta „Implementacija zajedničkih servisa za eUsluge“ datum isporuke robe.
- (3) Izvršiti primopredaju robe koju treba da prati tehnička dokumentacija koja uključuje Prijedlog Primopredajnog zapisnika sa listom i specifikacijom opreme koju isporučuje na konkretnoj lokaciji korisnika, dokumente ili certifikate koji dokazuju prava vlasništva nad isporučenim licencama softvera zahtijevanog tehničkom specifikacijom u stavkama 4.3 i 7.7, pisanom garancijom koja će biti važeća od momenta konačnog potpisivanja Primopredajnog zapisnika. Identične kopije navedene tehničke dokumentacije će dostaviti i Ugovornom organu te Implementatoru projekta „Implementacija zajedničkih servisa za eUsluge“. Usaglašavnje navedene tehničke dokumentacije se može izvršiti elektronskim putem (e-mailom).
- (4) Po izvršenoj isporuci Prodavac će svakoj pojedinačnoj instituciji korisnici dostaviti tri originalna primjerka usaglašenog primopredajnog zapisnika za opremu koju je isporučio toj instituciji sa iskazanim finansijskim vrijednostima, uključujući navedenu tehničku i ostalu dokumentaciju za svaku pojedinačnu lokaciju isporuke. Originalni primopredajni zapisnici treba da budu identični sa elektronskim verzijama koje su usaglašene i trebaju biti potpisani i pečatom ovjereni od strane Prodavca. Prodavac je dužan Kupcu dostaviti primopredajne zapisnike za svaku lokaciju isporuke, odnosno instituciju u dva originalna primjerka nakon što budu potpisani od strane predstavnika krajnjih korisnika, te sa potpisom i pečatom institucija korisnica odnosno njihovih odgovornih predstavnika za svaku pojedinačnu lokaciju isporuke opreme. Primjerak primopredajnih zapisnika će se ostaviti na raspolaganju institucijama korisnicama radi uknjižbe u njihovim poslovnim knjigama
- (5) Originalni primopredajni zapisnik, sa potpisom i pečatom Prodavca, potpisan od strane predstavnika krajnjih korisnika i sa pečatom i potpisom institucije korisnice odnosno njenog odgovornog predstavnika će predstavljati dokaz za izvršenu isporuku, za svaku pojedinačnu lokaciju.

## **Član 7** **(Garancija)**

- (1) Prodavac garantuje da će isporučena roba iz člana 1. ovog Ugovora biti tvornički nova, neupotrebljavana, originalna i da će funkcionisati saglasno deklarisanim performansama proizvođača.

- (2) Prodavac daje cjelovitu garanciju BEZ OGRANIČENJA na ispravnost rada opreme koja uključuje garanciju za dijelove, garanciju za radove i garanciju na podršku na lokaciji gdje je oprema instalirana od 3 godine osim u slučajevima gdje je to drugačije navedeno u tehničkoj specifikaciji opreme u Aneksu III ovog Ugovora.
- (3) Garancija za opremu, u trajanju od 3 godine, kreće od isporuke, instalacije i prihvatanja opreme. Maksimalno vrijeme odziva na prijavu kvara, nedostatka ili greške je 1 radni dan, maksimalno vrijeme popravke i otklanjanja kvara je 3 radna dana.
- (4) Prodavac je dužan prilikom isporuke opreme krajnjim korisnicima predati i pisanu garanciju za isporuku koja će uključivati listu proizvoda sa garantnim uslovima u skladu sa ovim Ugovorom.

#### **Član 8.** **(Garancija za dobro izvršenje posla)**

- (1) Prodavac je obavezan dostaviti Kupcu garanciju za dobro izvršenje posla u iznosu od (10% od vrijednosti ugovora sa uračunatim PDV-om) \_\_\_\_\_ KM (slovima: \_\_\_\_\_) najkasnije 15 (petnaest) dana po potpisivanju Ugovora koja će glasiti na period od zaključenja ugovora do isteka ugovora + 30 dana (40 dana + 30 dana).
- (2) Garanciju za dobro izvršenje posla potrebno je dostaviti u formi bezuslovne bankarske garancije.
- (3) Garancija za dobro izvršenje posla će služiti za pokrivanje svake štete i troškova koje Kupac može imati ukoliko Prodavac povredi Ugovor u periodu od zaključenja ugovora do isteka ugovora + 30 dana.
- (4) Pokriće iz garancije za dobro izvršenje posla ne oslobađa Prodavca odgovornosti sve do namirenja stvarne štete.
- (5) Kupac može u slučaju neispunjenja ili lošeg ispunjenja ugovornih obaveza od strane Prodavca realizovati garanciju za dobro izvršenje posla, nakon što Prodavca pisano obavijesti o propustima u realizaciji ugovornih obaveza i ostavi mu razuman rok za otklanjanje propusta.
- (6) Ukoliko Prodavac ne dostavi garanciju za dobro izvršenje posla u roku iz stava (1) ovog člana ovaj Ugovor će se smatrati apsolutno ništavim shodno članu 72. stav 4. Zakona o javnim nabavkama BiH.

#### **Član 9.** **(Sukob interesa)**

Prodavac nema pravo da zapošljava, u svrhu izvršenja ugovora o javnoj nabavci, fizička lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, u periodu cjelokupne realizacije ugovora.

**Član 10.**  
**(Porezi i carine)**

- (1) Ukoliko Prodavac nema sjedište u BiH, obavezan je imenovati poreskog zastupnika do momenta potpisivanja ovog Ugovora koji će u njegovo ime izvršiti obračun poreza na dodanu vrijednost (PDV) za predmetne usluge iz člana 2. ovog ugovora i preduzeti druge radnje u skladu sa članom 8. Pravilnika o registraciji i upisu u jedinstveni registar obveznika indirektnih poreza („Službeni glasnik BiH” broj 51/12 i 68/16 ).
- (2) Prodavac i imenovani poreski zastupnik iz stava (1) ovog člana obavezni su dostaviti Kupcu svu dokumentaciju koja se nalazi u njihovom posjedu, a koja je potrebna kako bi Kupac mogao izvršiti povrat poreza na dodanu vrijednost (PDV).
- (3) Prodavac i imenovani poreski zastupnik iz stava (1) ovog člana dužni su pružiti punu podršku svim aktivnostima Kupca u cilju povrata poreza na dodanu vrijednost (PDV).

**Član 11.**  
**(Izveštavanje)**

- (1) Prodavac će podnijeti Izveštaj Kupcu odmah po završetku aktivnosti, a maksimalno u roku do 15 dana od dana predviđenog za izvršenje Ugovora.
- (2) Izveštaj minimalno mora sadržavati;specifikacija isporučene opreme i budžet po upravnim nivoima i institucijama,
- (3) Prodavac je obavezan da dostavi finansijske izvještaje prema formatu koji će mu ugovorni organ dostaviti po potpisivanju ugovora u skladu sa internim Procedurama upravljanja finansijama PAR Fonda.

**Član 12.**  
**(Struktura Ugovora)**

- (1) Ovaj Ugovor obuhvata sljedeće Aneksa koji su njegov sastavni dio:  
Aneks I: Opšti uslovi Ugovora za projekte finansirane iz Fonda za reformu javne uprave  
Aneks II: Ponuda Prodavca broj \_\_\_\_\_ od \_\_\_\_\_  
Aneks III Specifikacija opreme

**Član 13.**  
**(Rješavanje sporova)**

- (1) Ugovorne strane će nastojati svoje eventualne sporove iz ovog Ugovora rješavati sporazumno, a ukoliko to nije moguće, onda u skladu sa članom 36. stav (3) Opštih uslova.
- (2) Mjesto arbitraže je u Sarajevu, a u slučaju sudskog rješavanja međusobnih sporova nadležan je Sud Bosne i Hercegovine.

**Član 14.**  
**(Primjena drugih pravnih propisa)**

Za sve što nije regulisano ovim Ugovorom primjenjivaće se Zakon o obligacionim odnosima.

**Član 15.**  
**(Izuzeće od primjene)**

Na ovaj Ugovor neće se primjenjivati član 19. Opštih uslova.

**Član 16.**  
**(Stupanje na snagu i period izvršenja ugovora)**

- (1) Ovaj Ugovor stupa na snagu na dan kad ga obje ugovorne strane potpišu.
- (2) Ugovor je sklopljen je na period maksimalno 40 dana.

**Član 17.**  
**(Završne odredbe)**

Ovaj Ugovor je sastavljen u četiri jednaka primjerka, od kojih svaka ugovorna strana zadržava po dva primjerka.

U Sarajevu, dana \_\_\_\_\_ godine  
Broj: \_\_\_\_\_

**ZA KUPCA:**

\_\_\_\_\_

**ZA PRODAVCA:**

\_\_\_\_\_